

**26 Februari 2021**

**SIARAN MEDIA**

**oleh DR ANG MING CHEE**

**Pengurus Besar, George Town World Heritage Incorporated**

### **Permohonan Projek Normal Baharu di George Town (Fasa Tiga) Bermula Mac 2021**

1. Permohonan bagi projek Normal Baharu di George Town (Fasa Tiga) anjuran George Town World Heritage Incorporated (GTWHI) akan dibuka pada 1 Mac 2021 dan ditutup pada 15 April 2021.
2. Projek ini bertujuan untuk menjana semula dan membantu peralihan sektor warisan budaya Pulau Pinang dalam menghadapi normal baharu.
3. Sejumlah 406 permohonan telah diterima sejak projek dimulakan pada 8 Julai 2020. Projek ini mempunyai tiga komponen iaitu Sokong Perniagaan Tempatan, Pembaikan Bangunan Warisan dan Video Warisan.
4. Pemilik dan penyewa bangunan warisan di dalam Tapak Warisan Dunia UNESCO George Town boleh memohon untuk **118 slot** bagi komponen Pembaikan Bangunan Warisan, manakala pengamal warisan budaya di Pulau Pinang boleh memohon untuk baki **153 slot** dalam komponen Video Warisan. Tiada had jumlah permohonan untuk komponen Sokong Perniagaan Tempatan.
5. Kriteria ketiga-tiga komponen adalah seperti berikut:
  - a. **Sokong Perniagaan Tempatan**
    - GTWHI akan memberi bantuan kepada perniagaan tempatan melalui promosi pemasaran digital.
    - Keutamaan diberikan kepada perniagaan yang telah beroperasi melebihi 10 tahun.
    - Kira-kira 3,000 perniagaan di Tapak Warisan Dunia UNESCO George Town dan 5,000 perniagaan yang merupakan sebahagian daripada rangkaian ekosistem budaya dan kewangan bagi Tapak Warisan Dunia UNESCO George Town boleh mengambil bahagian dalam projek ini.
    - Kami berharap dapat membimbing dan membantu perniagaan tempatan untuk menerokai peluang perniagaan dan pelanggan baru melalui dunia digital.
  - b. **Pembaikan Bangunan Warisan**
    - Bantuan kewangan secara bayaran balik dengan maksimum sebanyak RM1,500 secara “one-off” akan diberikan kepada pemilik atau penyewa bangunan warisan (Kategori I dan Kategori II seperti yang telah diwartakan di dalam Rancangan Kawasan Khas George Town) yang berkelayakan di dalam Tapak Warisan Dunia UNESCO George Town untuk menjalankan kerja-kerja pembaikan dan penyelenggaraan kecil pada bangunan warisan mereka.
    - Kerja pembaikan ini termasuk menaik taraf pendawaian elektrik, mengecat semula dinding dalaman dan luaran bangunan, membuang tumbuh-tumbuhan pada fasad, merawat masalah anai-anai atau kerja-kerja lain dengan mematuhi peraturan dan

undang-undang warisan seperti yang dinyatakan di dalam Rancangan Kawasan Khas George Town.

- Permohonan perlu dikemukakan sebelum kerja di tapak bermula.
- Kami amat berharap dengan bantuan pembaikan kecil ini akan memberi harapan baru kepada pemilik atau penyewa bangunan warisan dalam berhadapan dengan normal baharu.

### c. Video Warisan

- Pengamal warisan budaya yang berada di Pulau Pinang dan bergantung kepada kemahiran, pengetahuan atau perkhidmatan sebagai sumber pendapatan utama adalah digalakkan untuk menyertai projek ini.
  - Keutamaan akan diberikan kepada individu atau perniagaan yang masih belum mempunyai strategi pemasaran digital.
  - Pemohon perlu mencadangkan video yang berdurasi 5 minit hingga 20 minit bagi berkongsi kemahiran, pengetahuan atau proses penghasilan kraf.
  - GTWHI akan membimbing pemohon yang disenarai pendek dengan kaedah rakaman video dan cara perkongsian platform digital.
  - Rakaman video dan maklumat perniagaan akan dipromosikan ke dalam laman sesawang dan saluran media sosial GTWHI.
  - Pemohon yang berjaya melengkapkan projek ini akan mendapat insentif sebanyak RM1,500.
  - Kami berharap mampu memperkasakan pengamal warisan budaya bagi memperluaskan pasaran perniagaan mereka ke dunia digital.
6. GTWHI ingin menjemput pemohon yang layak dan berminat untuk mendaftar dengan menghubungi talian hotline GTWHI 04-261 6606 dari jam 10 pagi hingga 4 petang (Isnin hingga Jumaat). Staf kami yang bertutur dalam bahasa vernakular (dialek tempatan) akan membantu pemohon untuk melengkapkan borang permohonan mereka.
7. GTWHI mengalu-alukan pemohon yang berkecenderungan dan berminat untuk mendaftar secara dalam talian:
- a. [Borang Permohonan \(Bahasa Melayu\)](https://bit.ly/2ABH3jC) (bit.ly/2ABH3jC)
  - b. [Borang Permohonan \(Bahasa Cina\)](https://bit.ly/3f6yCf5) (bit.ly/3f6yCf5)
  - c. [Borang Permohonan \(Bahasa Inggeris\)](https://bit.ly/3iqhu5Z) (bit.ly/3iqhu5Z)
8. Untuk maklumat lanjut, sila lawati <http://gtwhi.com.my/george-town-new-normal/> atau e-mel ke [info@gtwhi.com.my](mailto:info@gtwhi.com.my).

### Untuk perhubungan media, sila hubungi:

Josephine Jalleh  
Pengurus Bahagian Komunikasi dan Kolaborasi  
George Town World Heritage Incorporated  
017-446 5366, josephine@gtwhi.com.my  
www.gtwhi.com.my